

EPOKA

ERE

E përditshme e pavarur
Viti XXIV, nr. 7175
E shtunë, 27 prill 2024
Çmimi 0.50

Kërkohe ndihma e
qytetarëve për të siguruar
mbrojtje të mirëfilltë për
Hashim Thaçin



Na ndiqni edhe në:

www.epokaere.com

facebook.com
Gazeta "Epoka e re"

AWR ABBRUCH GMBH
www.awr-abbruch.de

RAPORTI I IKD-së THOTË SE KUVENDI GJATË 2023-s PATI MUNGESË TË TRANSPARENCËS

FAQE 4-5



Instituti i Kosovës për Drejtësi (IKD) ka vlerësuar se Kuvendi i Kosovës gjatë vitit 2023 ka dështuar t'i zbatojë disa nga aspektet kyçe për funksionim të mirëfilltë, në pajtim me

Kushtetutën dhe me kërkesat ligjore e të Rregullores së Kuvendit. Gjatë prezantimit të raportit me titull "Kuvendi i dështimeve: Raport i monitorimit të punës së Kuvendit të Kosovës

për vitin 2023", të premtën, hulumtuesi i lartë nga IKD-ja, Naim Jakaj, ka thënë se puna e Kuvendit është karakterizuar nga vendimmarrja në kundërshtim me Kushtetutën e Kosovës

A PO RREZIKOHET REGJISTRIMI I KOMUNITETIT BOSHNJAK ME TERMINOLOGJINË E GABUAR?

F.3



KURTI NË BERLIN VAZHDOI TAKIMET ME DEPUTETË GJERMANË

F.3

RENOVA
PUTZ
Maqedoni
Xhepcisht - Tetovë
Gurëz-Ferizaj
E-mail: renova@mt.net.mk
Tel: +389 44 487 300; +389 44 487 009
+389 44 487 755
Fax: +389 44 487 200
Mobi: +377 44 501289

PRINCESHA
GROUP SH.P.K.
NDËRTIM
PROJEKTIM
SHITJE
INFO: 049-111-101,
044-511-177
www.princesha-ks.com

Bunjamini
FABRIKA E LLAQEVE
MITROVICË
044/256-051
044/367-061
028/532-617
STYROKOL · BUNJAKOL · EUROFASADË

Kolegji BIZNESI
www.kolegji.biznesi.com
info@kolegji.biznesi.com
030 500 878 | 045 500 878
044 500 878 | 049 500 878

SIGMA
VIENNA INSURANCE GROUP
SIGMA INTERALBANIAN VIENNA INSURANCE GROUP SH.A
DEGA KOSOVË
Rruga "Pashko Vasa", p.n Prishtinë, Kosovë.
Tel: +381 (0)38 246 301 Fax: +381 (0)38 246 302,
E-mail: info@sigma-ks.net | www.sigma-ks.net

INFINITY
Digital Agency
Endrit Shaqiri
+38344685122
Internet Website,
Marketing...

OPINION

HUMBËSIT MË TË MËDHENJ
JANË SHQIPTARËT NË
MAQEDONI TË VERIUT

F.7

Behxhet Sh.
SHALA- BAJGORA



AKTUALE



KRYETARI I PRISHTINËS PRET
NË TAKIM BEKIM JASHARIN,
DISKUTOJNË PËR SHTATOREN
E KOMANDANT ADEM JASHARIT

F.7

26 VJET QË NGA DALJA E PARË
PUBLIKE E UÇK-së NË DRENOC TË
RAHOVECIT

F.6

PRINDËRIT KANË ROL KRYESOR
NË VAKSINIMIN E FËMIJËVE,
T'I MBROJNË ATA NGA SËMUNDJET
INFEKTIVE

F.7

EKONOMI



ABDIXHIKU TAKON 52 AFARISTËT
MË TË MËDHENJ NË SHITIME:
KOSOVA MUNDET MË MIRË!

F.8

PËR TRE MUJAJ DIASPORA I DËRGOI
284 MILIONË EURO NË KOSOVË

F.8

Xi, Blinkenit: Kina dhe ShBA-ja duhet të jenë partnerë dhe jo rivalë

BEIJING, 26 PRILL - Presidenti kinez Xi Jinping të premten i ka thënë kryediplomatit amerikan Antony Blinken se dy ekonomitë më të mëdha në botë duhet të jenë partnerë dhe jo rivalë. Blinkeni në Kinë për herë të dytë në më pak se një vit është takuar me politikanë kryesorë kinezë në kryeqytetin Pekin, ku zyrtarët amerikanë kanë thënë se ai do të ngrinte

drejtpërdrejt fusha vendimtare të dallimeve, duke përfshirë Rusinë, Tajvanin dhe tregtinë. Duke takuar Blinkenin, Xi ka thënë se të dy vendet kishin "bërë një përparim pozitiv" që kur ai është takuar me presidentin e ShBA-së, Joe Biden, vitin e kaluar, sipas transmetuesit shtetëror "CCTV". "Të dy vendet duhet të jenë

partnerë, jo rivalë. Ka ende një sërë çështjesh që duhet të zgjidhen dhe ka ende vend për përpjekje të mëtejshme. Shpresojmë që ShBA-ja mund të ketë një pikëpamje pozitive për zhvillimin e Kinës. Kur të zgjidhet ky problem themelor... marrëdhëniet vërtet mund të stabilizohen, të përmirësohen dhe të ecin përpara", ka thënë ai.



BE-ja premton miliona euro për Gazën

Bashkimi Evropian (BE) ka thënë se do të japë edhe 68 milionë euro për ndihmën e nevojshme humanitare për palestinezët në Gaza. Ky territor është shkatërruar nga lufta që ka nisur mbi gjashtë muaj më parë mes Izraelit dhe Hamasit - grupit palestinez të shpallur organizatë terroriste nga Shtetet e Bashkuara dhe BE-ja, teksa Izraeli po sulmon territorin nga toka dhe ajri në kundërpërgjigje të sulmit vdekjeprurës të Hamasit ndaj Izraelit më 7 tetor. Si pasojë e luftës, popullsia civile prej mbi 2 milionë

banorësh e Gazës ka nevojë për ndihmë humanitare. "Në dritë të përqendrimit të vazhdueshëm të krizës së rëndë humanitare në Gazë dhe rritjes së kërkesave në terren për ndihmë, Komisioni Evropian po rrit fondet për ta financuar mbështetjen për palestinezët e prekur nga lufta që po vazhdon. Kjo mbështetje bën që totali i ndihmës humanitare që BE-ja ka ofruar për palestinezët brenda Gazës dhe në mbarë rajonin më 2024 të arrijë në 193 milionë euro", është thënë në deklaratën e BE-së. BE-ja ka thënë se ndihma e re



do të përqendrohet në dërgesat ushqimore, ujë të pastër, strehim dhe do të dërgohet në terren përmes partnerëve lokalë.

Kombet e Bashkuara kanë thënë se operacioni i Izraelit e ka shndërruar Gazën në një "ferr humanitar", teksa është rritur frika për përhapjen e urisë. BE-ja dhe ShBA-ja i kanë kërkuar Izraelit ta lejojnë hyrjen e më shumë ndihmave në Gaza. Ushtria amerikane ka thënë të enjten se do ta nisë ndërtimin e një porti, në mënyrë që të rriten dërgesat me ndihmë humanitare në Gaza.

Raportohet se Spanja do t'i dërgojë Ukrainës raketa kundërajrore



MADRID, 26 PRILL - Spanja do t'ia dërgojë Ukrainës një numër të vogël të raketave kundërajrore të sistemit "Patriot", pas trysisë nga aleatët e saj në Bashkimin Evropian dhe në NATO, për t'i dhënë Kievit më shumë ndihmë ushtarake.

Duke qenë se Rusia i ka shpeshuar dukshëm sulmet ajrore në Ukrainë, qeverive të BE-së u është kërkuar ta ndihmojnë Kievin me më shumë kundërajrore për ta mbrojtur veten. Në veçanti kjo vendeve si Greqia dhe Spanja, të cilat kanë armë të tilla në

arsenalin e tyre. Duke i cituar burimet qeveritare, gazeta "El Pais" raportoi se Spanja e ka hedhur poshtë mundësinë t'i dërgojë Ukrainës sisteme kundërajrore "Patriot", por ka thënë se do ta furnizojë atë me raketa që përdoren nga ky sistem kundërajror.

Vendet evropiane, të cilat zotërojnë sisteme kundërajrore "Patriot", po ngurrojnë t'ia japin Ukrainës ndonjë prej tyre. Ukraina ka shumë nevojë për së paku shtatë "Patriotë" për t'i frenuar sulmet ajrore ruse. Forca ajrore e Rusisë është

shumë më e fuqishme se ajo e Ukrainës, por kundërajrorët e sofistikuar të aleatëve perëndimorë të Kievit mund të përbëjnë kërcënim të madh për aviacionin rus.

"Patriotët" janë kundërajrore raketore të cilët mund t'i godasin avionët luftarakë, raketat lundruese dhe raketat balistike me rreze të shkurtra veprimi. Përparësi e rëndësishme e këtyre kundërajrorëve të prodhuar nga ShBA-ja, përveç efikasitetit të tyre, është edhe fakti se trupat ukrainase janë të stërvitura se si t'i përdorin ata.

Zyrtari i OKB-së: Mund të nevojiten 14 vjet për ta pastruar Gazën nga mbeturinat

GJENEVË, 26 PRILL - Mund të nevojiten rreth 14 vjet për ta pastruar Rripin e Gazës nga mbeturinat, përfshirë mjetet e pashpërthyer, që janë lënë nga lufta shkatërruese e Izraelit, ka thënë të premten një zyrtar i Kombeve të Bashkuara. Lufta tokësore dhe ajrore e Izraelit kundër Hamasit - grupit të shpallur organizatë terroriste nga Shtetet e Bashkuara dhe Bashkimi Evropian - e ka rrënuar shumicën e territorit të vogël bregdetar me 2.3 milionë banorë, duke i lënë shumicën e

civilëve të pastrehë, të uritur dhe të rrezikuar nga sëmundjet. Pehr Lodhammar, zyrtar i lartë i OKB-së për veprim kundër minave (UNMAS), ka thënë të premten në Gjenevë se lufta e ka mbushur me 37 miliardë tonë mbeturina territorin e mbipopulluar palestinez. Ai ka thënë se, edhe pse nuk është e mundur të dihet numri i saktë i mjeteve të pashpërthyer në Gazë, është parashikuar se mund të nevojiten 14 vjet sipas kushteve të caktuara për t'i hequr



mbeturinat, përfshirë dhe gërmadhat e ndërtesave të rrënuara. "Ne e dimë se

ekziston një shkallë e dështimit prej 10-përqindësh të municioneve tokësore që po

shkrepn dhe nuk po shpërthejnë. Po flasim për rreth 14 vjet punë me 100 traktorë", ka thënë ai.

Lufta e Izraelit në Gaza kundër Hamasit nisi pasi pjesëtarët e këtij grupi i vranë rreth 1 200 njerëz, kryesisht civilë, dhe i rrëmbyen rreth 250 të tjerë gjatë atij sulmi në jug të Izraelit. Më shumë se 34 000 palestinezë janë vrarë, prej të cilëve dy e treta fëmijë dhe gra, si pasojë e luftës izraelite në Gazë prej atëherë, sipas zyrtarëve shëndetësorë palestinezë.

Kërkohet ndihma e qytetarëve për të siguruar mbrojtje të mirëfilltë për Hashim Thaçin

PRISHTINË, 26 PRILL - Fondacioni "Përkrahje për Mbrojtjen Juridike të Hashim Thaçit" ka kërkuar ndihmën e qytetarëve për mbrojtjen e duhur për ish-presidentin e Kosovës, Hashim Thaçi, i cili prej vitesh gjendet në paraburgim.

Në njoftimin e këtij fondacioni është thënë se mbështetja financiare është e nevojshme për një mbrojtje të mirëfilltë juridike. "Në betejën për të vërtetën dhe drejtësinë në Hagë, Hashim Thaçi i duhet përkrahja juaj! Ndihmoni edhe ju për t'i siguruar mbështetje financiare që i mundëson mbrojtje të mirëfilltë juridike", është thënë në njoftimin e publikuar në Facebook.

Më 19 janar të këtij viti avokatët kryesorë të mbrojtjes së Hashim Thaçit, pranë Dhomave të Specializuara në Hagë, Gregory Kehoe, Joe Reeder, "Greenberg Legal Associates" dhe anëtarët e kësaj kompanie, kanë kërkuar të tërhiqen në rastin e tij në Gjykatën Speciale në Hagë, kuedhe më vonë



janë larguar. Në kërkesën e tyre ndaj Dhomave të Specializuara në Hagë është përmendur moskryerja e obligimeve ndaj tyre nga ana e institucioneve të Kosovës.

Vëllai i ish-presidentit Thaçi, Idriz Thaçi, duke e falënderuar avokatin Kehoe dhe ekipin e tij për angazhimin e deritashëm, kishte sqaruar se kontrata me kompaninë ligjore "Greenberg Legal Associates" nuk është vazhduar për shkak të vështirësive financiare. Kujtojmë se Hashim Thaçi së bashku me Kadri Veselin, Rexhep Selimin dhe Jakup Krasniqin gjenden në paraburgim në Hagë që nga nëntori i vitit 2020. Procesi gjyqësor ndaj tyre ka filluar në muajin prill të vitit 2023.

HH

HASHIM THAÇIT
I DUHET PËRKRAHJA JUAJ!

KOSOVË

Titullari i Llogarisë
PMJHTH, Përkrahje për
Mbrojtjen Juridike të
Hashim Thaçit

SWIFT CODE
EKOMXKPRXXX

Nr. Llogarisë
1401000001722802

IBAN
XK051401000001722802



Kurti në Berlin vazhdoi takimet me deputetë gjermanë

BERLIN, 26 PRILL - Në ditën e dytë të qëndrimit në kryeqytetin e Gjermanisë, kryeministri Albin Kurti, i shoqëruar nga zëvendësministri i Punëve të Jashtme dhe Diasporës, Kreshnik Ahmeti, bashkë me ambasadorin e Kosovës në Gjermani, Faruk Ajeti, vazhdoi takimet me përfaqësues politikë dhe deputetë të Bundestagut.

Bashkëbisedoi me dhjetëra deputetë të Partisë Socialdemokrate (SPD), të Bashkimit Demokristian (CDU), të Partisë së Gjelbër (Grüne) dhe të Partisë së Lirë Demokratike



(FDP). Takimet i filloi me dr. Rolf

Mützenich, deputetin dhe kryetarin e Grupit Parlamentar të

SPD-së. Kryeministri e falënderoi atë për ftesën që të marrë pjesë në ngjarjen e organizuar mbrëmë nga SPD në shënim të 75-vjetorit të Këshillit të Evropës.

Ndërkaq në një drekë pune takoi deputetët Michael Roth (SPD), Andreas Schwarz (SPD), Knut Abraham, (CDU), Michael Brand (CDU), Jürgen Hardt (CDU), Volkmarr Klein (CDU), Volker Ulrich (CDU), Philip Krämer (Grüne), Max Lucks (Grüne), Boris Mijatovic (Grüne), Ulrich Lechte (FDP) dhe Thomas Hacker (FDP). Tema kryesore e bashkëbisedimeve ishte aplikimi i

Kosovës në Këshillin e Evropës dhe rruga drejt anëtarësimit të plotë në këtë organizatë.

Krahas mirënjohës për mbështetjen e deritanishme ndaj vendit tonë, kryeministri Kurti u bëri thirrje deputetëve gjermanë dhe qeverisë gjermane të vazhdojnë ta përkrahin Kosovën edhe në hapin e fundit, mbi bazën e opinionit të raportueses Dora Bakoyannis, votës historike të Asamblesë Parlamentare të Këshillit të Evropës më 16 prill dhe regjistrin të kornizës ligjore, të drejtave të njeriut, sundimit të ligjit dhe demokracisë në Kosovë.

Kosova ka mbajtur për herë të parë tryezën rajonale për partneritetet publiko-private

PRISHTINË, 26 PRILL - Ministria e Financave, Punës dhe Transfereve, në bashkëpunim me SIGMA, ka organizuar tryezën e parë rajonale me temë avancimin e partneriteteve publiko-private. Kjo tryezë shërbeu si platformë e diskutimeve ndërmjet politikëbërësve, përfaqësuesve të institucioneve financiare dhe ekspertëve nga Kosova, Shqipëria, Maqedonia e Veriut, Mali i Zi dhe Turqia.

Pjesë e kësaj tryeze ishin zëvendësministri i Financave, Punës dhe Transfereve, Avni Zogiani, drejtori i Departamentit Qendror të PPP Artan Ahmeti, drejtori i Planifikimit në Departamentin e Koncesioneve në ATRAKO - Shqipëri, Besart Buza, asistent-drejtori në Agjencinë e Investimeve në Malin e Zi, Andrej Lakic, drejtori i Qendrës së PPP në Stamboll, dr. Eyüp Vural Aydin, si dhe

ekspertët nga SIGMA. Përgjatë dy ditëve të konferencës përfaqësuesit e shteteve të pranishme kanë ndarë eksperiencat, sfidat dhe rekomandimet e tyre për zbatimin efektiv të modelit të PPP në rajon. Gjithashtu, pjesëmarrësit diskutuan për sektorët më të përshtatshëm për zbatimin e projekteve të llojit PPP dhe hartuan disa rekomandime për zhvillimin e këtyre projekteve në të ardhmen.





A po rrezikohet regjistrimi i komunitetit boshnjak me terminologjinë e gabuar?

PRISHTINË, 26 PRILL - Komuniteti boshnjak në Kosovë shfaq drojën se numri i tij mund të zvogëlohet për shkak të parregullsive të evidentuara gjatë procesit të regjistrimit të popullsisë, i cili nisi më 5 prill dhe do të vazhdojë deri më 17 maj.

Këto parregullsi i referohen pyetjes në pyetësorin në gjuhën serbe: "Cilit grup etnik i përkisni", e në të cilin një prej përgjigjeve është "bosanac" në vend të "boshnjak".

Boshnjakët janë një prej komuniteteve pakicë të njohura me Kushtetutë në Kosovë, ndërsa termi "bosanac" i referohet dikujt që jeton në territorin e Bosnjë-Hercegovinës.

Pyetësorët janë në dispozicion në dy gjuhë zyrtare: shqip dhe serbisht.

Fahret Sijariq, pjesëtar i komunitetit boshnjak nga Peja, tregon për "Radion Evropa e Lirë" se regjistruerit shkuan tek ai tri ditë më parë për ta kryer regjistrimin dhe se ata kishin pyetësor në gjuhën shqipe.

Duke qenë se nuk i kuptonte disa pyetje, ai kërkoi pyetësor në gjuhën serbe. "Por, në formularin në gjuhën serbe figuronte 'bosanac' si opsion i përkatësisë etnike dhe nuk desha të vazhdoj", thotë Sijariq.

Ai tregon se disa anëtarë të familjes dhe fqinjë të tij refuzuan të regjistroheshin pikërisht për shkak të këtij gabimi në pyetësorët në

gjuhën serbe. "Ky regjistrim duket si një turne futbollit. Hajde, luajmë, nënshkruajmë dhe tung", shprehet Sijariq.

Gazetari Mustafa Bale, i cili vjen nga komuniteti boshnjak dhe përcjell regjistrimin e popullsisë në Kosovë, thotë për "Radion Evropa e Lirë" se disa boshnjakë, "nga revolta", u kanë thënë regjistruerit ta shënojnë opsionin "të tjerë".

Në këto raste, sipas tij, boshnjakët regjistrohen si komunitete të tjera pakicë në Kosovë të cilat nuk janë të njohura me Kushtetutë.

Komunitetet pakicë, të njohura me Kushtetutë në Kosovë, janë: serbët, boshnjakët, romët, ashkalinjtë, egjiptianët, goranët dhe turqit. Ato kanë të drejta të caktuara, si vendet e garantuara në Kuvendin e Kosovës apo të drejtën për arsim, përdorim të gjuhës, kultivim të kulturës, fesë dhe traditës.

Zëvendëskryeministria e Kosovës për Çështje të Pakicave dhe të Drejtat e Njeriut, Emillija Rexhepi, në një deklaratë për REL-in ka thënë se ka reaguar urgjentisht ndaj këtyre parregullsive dhe se gabimi është korrigjuar në Prizren dhe në pjesën e Dragashit ku jeton komuniteti boshnjak. Sipas saj, termi "bosanac" në këto komuna është zëvendësuar me termin "boshnjak" vetëm në pyetësorët elektronikë, të cilët regjistruerit i përdorin në tabletët e tyre në gjuhën serbe. "Kam bërë

një vërejtje për Pejën dhe Istogun, është korrigjuar në disa vende, por jo gjithkund ku boshnjakët janë shumicë", tha Rexhepi.

REL-i siguroi fotografi të kësaj parregullsie në tabletët e regjistruerit, të cilat më pas, më 17 prill, u korrigjuan në disa zona ku jetojnë boshnjakët.

Megjithatë, Mustafa Bale thotë se gabimi në tabletët që përdorin regjistruerit është korrigjuar vetëm në Prizren, ndërsa në komuna të tjera ku jetojnë pjesëtarë të komunitetit boshnjak - si Dragashi dhe Peja - regjistruerit e kanë ende opsionin "bosanac" si opsion për përkatësinë etnike.

Më 24 prill organizata joqeveritare Këshilli i Kongresit të Intelektualëve Boshnjakë të Kosovës e njoftoi Agjencinë e Statistikave të Kosovës (ASK) se gabimi nuk është korrigjuar as në Dragash dhe as në Pejë. "Disa qytetarë po i kthejnë regjistruerit për shkak se nuk e kanë të shënuar përkatësinë kombëtare", thuhet në letrën e kësaj organizate drejtuar ASK-së, e cila u nënshkrua nga Mejdin Saliji nga Prizreni.

Organizata kërkoi nga ASK-ja ta korrigjojë menjëherë gabimin në mënyrë që "regjistrimi të ketë kuptim dhe të gjithë qytetarët të shpreheshin ashtu siç e ndiejnë".

REL-i e pyeti ASK-në për këto parregullsi, por deri në publikimin e këtij artikulli nuk

mori përgjigje.

Mejdin Saliji thotë se anëtarët e organizatës joqeveritare Këshilli i Kongresit të Intelektualëve Boshnjakë të Kosovës janë vazhdimisht në terren dhe se monitorojnë regjistrimin e popullsisë. Sipas tij, ata kanë informacione se gabimi në lidhje me përkatësinë etnike të boshnjakëve nuk është korrigjuar kudo.

Ai shton se me këtë rast janë mbajtur debate publike në Prizren dhe në Pejë dhe se kanë marrë informacione se disa regjistruer nga komuniteti boshnjak kanë refuzuar ta bëjnë regjistrimin derisa të korrigjohet gabimi në pyetësor. "Është ndoshta problem rreth gjuhës [v.j. përkthimi], por kjo do të thotë shumë për ne boshnjakët, sepse mund të ndodhë që kur të përditësohen të dhënat, të figurojnë dy komunitete: bosanacat dhe boshnjakët", thotë Saliji.

Ai thotë, po ashtu, se ka një numër boshnjakësh që refuzojnë të regjistrohen dhe se kjo ka "pasoja katastrofike" për komunitetin.

Sipas regjistrimit të fundit të popullsisë në vitin 2011, në Kosovë jetojnë rreth 27 000 boshnjakë. Por, gazetari Mustafa Bale thotë se regjistrimi në veri të Kosovës nuk është bërë atëherë dhe se, sipas disa vlerësimeve, janë rreth 30 000 pjesëtarë të

komunitetit boshnjak. Ai beson se regjistrimi në zonat ku jetojnë boshnjakët duhet të përsëritet ose të zgjatet sepse, siç thotë, procesi është vonuar për shkak të gabimeve në pyetësor.

Në të kundërtën, thotë Bale, të drejtat kolektive të këtij komuniteti janë në rrezik. "Kjo do të ndikojë në të drejtat e garantuara, në të drejtën për ta përdorur gjuhën, në të drejtën për të mbajtur mësim në gjuhën boshnjake", thotë ai.

Bale dhe Saliji thonë, gjithashtu, se një numër i madh i pjesëtarëve të komunitetit boshnjak jetojnë në diasporë dhe se as atyre nuk u është mundësuar të deklarohen për përkatësinë e tyre etnike.

Agjencia e Statistikave të Kosovës e ka bërë të mundur regjistrimin e familjarëve që jetojnë jashtë Kosovës, por aty nuk ka mundësi që dikush të deklarohet se cilit grup etnik i përket.

Çfarë thonë përfaqësuesit politikë të boshnjakëve?

Zëvendëskryeministria Emillija Rexhepi nga radhët e Partisë së Re Demokratike (NDS), pjesë e Qeverisë dhe Kuvendit të Kosovës, thotë se komuniteti boshnjak i është bërë thirrje që të mos i përgjigjet regjistrimit derisa të korrigjohet gabimet, ndërsa bën me dije se ka informacione se

Raporti i IKD-së thotë se Kuvendi gjatë 2023-s pati mungesë të transparencës

Instituti i Kosovës për Drejtësi (IKD) ka vlerësuar se Kuvendi i Kosovës gjatë vitit 2023 ka dështuar t'i zbatojë disa nga aspektet kyçe për funksionim të mirëfilltë, në pajtim me Kushtetutën dhe me kërkesat ligjore e të Rregullores së Kuvendit. Gjatë prezantimit të raportit me titull "Kuvendi i dështimeve: Raport i monitorimit të punës së Kuvendit të Kosovës për vitin 2023", të premten hulumtuesi i lartë nga IKD-ja, Naim Jakaj, ka thënë se puna e Kuvendit është karakterizuar nga vendimmarrja në kundërshtim me Kushtetutën e Kosovës

EPOKA
ERE

Mal QORRAJ

PRISHTINË, 26 PRILL - Instituti i Kosovës për Drejtësi (IKD), ka organizuar të premten konferencë për medie, në të cilën ka publikuar raportin "Kuvendi i dështimeve: Raport i monitorimit të punës së Kuvendit të Kosovës për vitin 2023". Ky raport përfshin gjetjet, vlerësimet dhe rekomandimet si rezultat i monitorimit sistematik të bërë në Kuvendin e Kosovës.

Hulumtuesi i lartë nga Instituti i Kosovës për Drejtësi (IKD), Naim Jakaj, ka thënë se Kuvendi i Kosovës zhvilloi punime në tri raste pa e miratuar rendin e ditës. Gjatë prezantimit të raportit, Jakaj

ka thënë se IKD-ja ka gjetur se kryeparlamentari Glauk Konjufca interpretoi gabimisht Rregulloren e Kuvendit për mosfillimin dhe mbajtjen e një seance të jashtëzakonshme për arsye se në sallë nuk ishin të pranishëm 61 deputetë. "Sa i përket respektimit të procedurave në pajtim me rregulloren e Kuvendit, IKD-ja gjen se në tri raste Kuvendi i Kosovës zhvilloi punime pa miratuar rendin e ditës në seancë plenare, për arsye se ky rend i ditës nuk u votua në Kryesinë e Kuvendit në mungesë të kuorumit", ka thënë Jakaj. Sipas tij, IKD-ja vlerëson se kuorumi në seancë plenare është i domosdoshëm dhe i patejkalueshëm për votimin e

projektligjeve dhe akteve të tjera të Kuvendit, por kuorumi nuk duhet të jetë pengesë për zhvillimin e debatit parlamentar, veçanërisht kur ajo është e thirrur nga 1/3 e deputetëve të Kuvendit të Kosovës, bashkësi deputetësh që me Kushtetutë kanë të drejtën e propozimit edhe të amendamenteve kushtetuese. Ai ka thënë se edhe gjatë vitit 2023 Kuvendi ka vazhduar të përballet me mungesë të thellë të transparencës. "Që nga publikimi i gjetjeve në raportin për punën e Kuvendit gjatë vitit 2022 nuk është bërë lëvizje e duhur dhe pozitive në drejtim të publikimit të të gjitha materialeve me rastin e mbajtjes së një seance parlamentare", është shprehur Jakaj. Po ashtu, ai ka thënë se komisionet parlamentare i mbajnë mbledhjet e hapura, por vazhdojnë të mos transmetohen përmes faqes zyrtare të Kuvendit, përmes Radio Televizionit të Kosovës ose edhe përmes ndonjë entiteti tjetër siç janë agjencitë e lajmeve. "Përkundër premtimit që votimi elektronik do të zgjidhet shpejt, Kuvendi ka dështuar që këtë çështje ta

rregullojë", ka deklaruar Jakaj. Ndërsa për shkak të mungesës së votimit elektronik, Jakaj ka theksuar se shpeshherë ka ndodhur që numërimi i votave të mos jetë i saktë dhe të përsëritet më shumë se dy herë dhe sërish të mos jetë i qartë në fund rezultati. Në anën tjetër, ai ka thënë se Kuvendi vazhdon të mos respektojë rregulloren me rastin e publikimit të votës së deputetëve, ku e njëjta rregullore kërkon që votimi me dorë të bëhet publik menjëherë pas përfundimit të seancës plenare. Një nga të gjeturat e këtij raporti, sipas Jakajt, është që puna e Kuvendit është përcjellë edhe nga gjuha joparlamentare, gjuha seksiste, raciste, mizogjene dhe gjuha homofobe. "Kuvendi ka zheluar punime pa planifikim adekuat", ka thënë Jakaj. Sipas tij, Kuvendi e nisi vitin 2023 me tetë seanca plenare të papërfunduara nga viti 2022, me gjithsej 54 pika të rendit të ditës, në ndërkohë viti 2023 u përmbyll me 30 pika të papërfunduara të cilat u bartën në vitin 2024. Raporti, ndër të tjera, thekson se Qeveria e Kosovës ka injoruar

Kuvendi te pyetjet parlamentare, te komisionet hetimore dhe te debatet parlamentare për të dhënë përgjegjësi për punën e vet kushtetuese dhe për programin qeverisës të cilin e ka shpallur para deputetëve në mars të vitit 2021.

Në lidhje me aktivitetin legjislativ, Kuvendi i Kosovës gjatë vitit 2023, sipas Jakajt, u përshkrua me mungesë kronike të kuorumit në Kuvend. "Në lidhje me aktivitetin legjislativ ai u përshkrua nga mosefikasiteti i Kuvendit në miratimin e projektligjeve dhe pikave të tjera të rendit të ditës, përgjithësisht ndikim pati mungesa kronike e kuorumit që në shumicën e rasteve u shkaktua nga deputetët e shumicës parlamentare, veçanërisht te projektligjet ku kërkohet shumicë e thjeshtë e votës", ka thënë Jakaj.

Raporti, gjithashtu, potencon se shumica parlamentare në vazhdimësi është treguar arrogante sa i përket bashkëpunimit me deputetët opozitarë për miratimin e Ligjit për Ndarjet Buxhetore Vjetore për vitin 2024.



një numër i madh i pjesëtarëve të këtij komuniteti është regjistruar në dy-tre ditët e fundit.

Sipas vlerësimit të saj, vonesat në regjistrimin e komunitetit boshnjak nuk do të ndikojnë në rezultatin përfundimtar sepse, siç thotë ajo, procesi zgjat deri më 17 maj dhe ka kohë që të gjithë të regjistrohen.

"Ne jemi një komunitet i vogël, regjistrimin mund ta përfundojmë për një javë... Personalisht jam e kënaqur me reagimin e njerëzve tanë, jemi aktivizuar të gjithë, të gjitha subjektet politike, sektori joqeveritar, mediet", thotë Rexhepi.

Qerim Bajrami nga koalicioni Vakat - një subjekt politik boshnjak që është i përfaqësuar në disa institucione lokale, por edhe qendrore të Kosovës - ka thënë se çështja e terminologjisë ka shkaktuar revoltë në mesin e komunitetit boshnjak dhe se shumë prej pjesëtarëve të tij tani po refuzojnë të regjistrohen. "E rëndësishme është që këtu [në Prizren] ka reaguar edhe kryetari i komunës, që është gjë e mirë. Ai ka kërkuar nga komisioni i regjistrimit t'i korrigjojë gabimet, por ato korrigjime kanë zgjatur një javë. Regjistrimi nuk ka filluar derisa janë bërë korrigjimet, por ato janë bërë vetëm në komunën

e Prizrenit. Në Dragash gabimi në lidhje me termin boshnjak-bosnacak është korrigjuar vetëm pjesërisht. E njëjta gjë është edhe në komunën e Pejës dhe në komunat e tjera në Kosovë", thotë Bajrami. Ai shton se kanë biseduar me drejtorin e Agjencisë së Statistikave të Kosovës, Avni Kastrati, dhe se janë siguruar se të gjithë ata që janë regjistruar si "bosnacak" do të regjistrohen përfundimisht si "boshnjakë". Megjithatë, Bajrami thekson se kjo çështje ka shkaktuar revoltë në mesin e pjesëtarëve të komunitetit boshnjak dhe se shumë prej tyre tani refuzojnë të regjistrohen.

Gabime të tjera gjuhësore

Në pyetësorët në gjuhën serbe, përveç atyre faktike, ka edhe gabime të shumta gjuhësore që i bëjnë pyetjet të pakuptueshme. Për shembull, në një prej pyetjeve për gjendjen martesore thuhet "burrë/grua me kurorë" dhe "burrë/grua pa kurorë". Zëvendëskryeministrja Rexhepi beson se një sërë institucionesh kanë dështuar në përgatitjen e pyetësorit të regjistrimit në gjuhën serbe, duke përfshirë edhe organin kryesor përgjegjës

për organizimin e të gjithë procesit, Agjencinë e Statistikave të Kosovës.

Në Kosovë gjuha shqipe dhe ajo serbe janë zyrtare, që do të thotë se institucionet janë të obliguara ta sigurojnë përdorimin e barabartë të këtyre gjuhëve. Gjuhët e komuniteteve të tjera pakicë përdoren, gjithashtu, në nivel lokal në komunat e caktuara, ku ato jetojnë. Megjithatë, Zyra e Komisionarit për Gjuhët, e cila funksionon në Kabinetin e Kryeministrit të Kosovës, tregon shpesh se të drejtat e komuniteteve pakicë shkelen kur bëhet fjalë për përdorimin e gjuhëve.

Humbësit më të mëdhenj janë shqiptarët në Maqedoni të Veriut



Behxhet Sh. SHALA-BAJGORA

Kaluan zgjedhjet presidenciale dhe pritët 8 maji: Albin Kurti i futi hundët në Shqipëri dhe pësoi debakël. Në Luginë të Preshevës e formoi skuadrën e llaskuçëve dhe rrogëtarëve të udhëhequr nga Shaip Kamberi në Luginë dhe Ardita Sinani me Ragmi Mustafin në Prishtinë, e para këshilltare e Albinut, kurse Ragmiu si këshilltar i Besnik Rrencit. Në Mal të Zi nuk dhezi kombinimi me Dritan Abazoviqin, antishqiptarin dhe proserbin e thekur që, sipas udhëzimeve të Amfilohije Radoviçit, e dobësoi substancën malaziasë dhe e riktheu ndikimin rus dhe serb. Albinu qartazi ka një padurim ndaj atyre që me luftë dhe sakrificë e bënë Kosovën shtet, kështu si është, në radhë të parë ndaj Hashim Thaçit, jo se nuk është pajtuar me të politikisht, por se kishte mungesë të protagonizmit historik. Kishte deficit të theksuar historik krahasuar me Thaçin. Të njëjtin mosdurim e ka edhe ndaj Ali Ahmetit i cili, gjithashtu u bë, falë të gjitha luftërave çlirimtare, pjesë e përjetshme e Panteonit të shqiptarisë ku renditen të gjithë ata që kontribuuan, deri duke flijuar jetën e tyre, heronjtë dhe

martirët e Kombit. Shqipëria mbaroi paq me Albinin duke e lënë pa asnjë ndikim politik atje. Në Luginë e riktheu ndikimin përmes shkarkimit të Shqiprim Arifit dhe rikthimit të gogolit Mustafa. Aspak nuk e njoh Shqipërim Arifin përveç se ka përdorur cilësime të rënda për Albinin në vazhdimësi dhe se ka qenë i bojkotuar nga Albinu dhe Besnik Rrenci që kanë favorizuar politikisht dhe materialisht krahun e rrogëtarëve në krye Shaip Kamberi. Ndoshta Shqipërim Arifi e ka merituar të shkarkohet por më habit fakti se si në vend të tij, si organ i dhunshëm deri në zgjedhje u emërua, pa zgjedhje, Ragmi Mustafa. Realisht, Albinu, bashkë me Besnikun dhe "Çetën e Rrogëtarëve" përçau, deri në urrejtje shqiptarët e Luginës. Më herët Albinu bëri luftë të hapur kundër Ali Ahmetit duke përdorur një hermafrodit politik dhe kombëtar, me dy shtetësi dhe dy identitete kombëtare, Blerim Rekën në garë për president të Maqedonisë. Blerim Reka mori vota aq sa nuk i mjaftuan as për këshilltar lokal në Lagjen Shute Orizare që shërbyen si trampolinë për një karrierë politike në Amerikë, si konsull i Kosovës, me një pagë të lartë duke tredhur miza të kohës, punë që me të njëjtin përkushtim dhe sukses e bënë Gani Jakupi në Barcelonë, i tredhur nga çdo përgjegjësi. Eksperimentin in vitro e vazhdoi me Zijadin Selën deri në kohën kur e kuptoi se Albinu po e përdorë si armë qitëse për ta vrazë politikisht Ali Ahmetin. Sela iku dhe në vend të

tij erdhi Bekim Kojja nga Alfabeti i Manastirit që, sikur Arbërie Nagavci nuk i dinte as sa shkronja i ka alfabeti i gjuhës shqipe por se përfituan shumë, analfabetja jofunkionale u bë ministre e arsimit në Kosovë kurse "vetevendosësi" Qokja u bë këshilltar politik i Albin Kurtit pikërisht për Maqedoninë. Në ndërkohë, të ikurit dhe të përjashtuarit nga BDI-ja e formuan mendermethënë "Grupin e Zjarrit" për t'i vënë flakë Ali Ahmetit dhe shqiptarëve në Maqedoni të Veriut. Izeti, Bilalli, Afrimi dhe kanakari i VMRO-së, Arben Travarit, bashkë me LV formuan "grupin opozitar s'VLEN", si rrogëtarë të VMRO-së, për ta rrëzuar Ali Ahmetin dhe për ta luftuar UÇK-në, në emër dhe për llogari të komitave maqedonas. Albinu ishte në tubimin promovues në Tetovë, deri në kohën kur "atentatorët" e RTK-së organizuan atentat kundër tij. Falë zotit shpëtoi dhe pa asnjë pasojë u kthye në Prishtinë përmes autostradës që e ndërtoi Hashim Thaçi. Po të njëjtin grup të pordhaxhinjve të "Grupit të Zjarrit" e priti në Prishtinë në ditën kur varrosej viktimja e dhunës në familje. Albinu nuk shkoi në Gjermani pasi shteti gjerman nuk garantonte siguri që aspak nuk ishte e vërtetë. Në tubimin zgjedhor në diasporë Albinu e dërgoi një ministere të qeverisë Kurti e cila për sa kohë të zgjasë njerëzimi do të mbahet mend për shkak të një fjalimi të jashtëzakonshëm elektoral që përbëhet vetëm nga katër fjalë: "keni përshëndetje nga Kurti...". Çfarë thellësie, elokuenca dhe

porosie elektorale, thjeshtë, e paimaginueshme dhe e papërsëritshme. Antologjike për kah injoranca, poshtëruese për kah nënshtrim!

Nuk fituan as Osmani e as Travarit, por komitat dhe cubat maqedonas: Kandidatja e VMRO-së fitoi thauja 40 për qind të votave, Pendarovski i Zaevit diku 20 për qind, Bujar Osmani te 15 përqindëshi kurse Arben Travarit te 10 përqindëshi. Në balotazh shkojnë VMRO dhe LSDM kurse BDI dhe pordhaxhinjtë e "Grupit të Zjarrit" e vazhdojnë luftën vëllavrasëse politike me armatim përçarës të Albin Kurtit. Ka qenë e qartë se shqiptarët nuk kanë gjasa në gara presidenciale por, si një trup i bashkuar, me një listë të përbashkët do të fitonin nja 30 deputetë. Në rrethana të përçarjes nga dronët kamikazë të Albin Kurtit në Maqedoni të Veriut roli i shqiptarëve do të marginalizohet duke e humbur peshën politike. BDI-ja mund të fitojë 13 - 15 deputetë, kamikazët e Albinut 7 - 9 deputetë duke u bërë bashkë me VMRO-në. Është prite reale që Travarit të bëhet pjesë e qeverisë së ardhshme të Maqedonisë, jo si fuqi politike por si substancë nënshtruese dhe pa përmbajtje kombëtare që aq shumë po pëlqehet nga VMRO-ja e cila nuk e ka as dyshimin më të vogël të përcaktimit midis Ali Ahmetit dhe Arben Travarit. Travarit e ka pikërisht këtë qëllim që përmes komitave të VMRO-së dhe llaskuçëve të Albin Kurtit ta zhveshë shqiptarin e Maqedonisë nga çdo vlerë kombëtare duke e shndërruar në

një forcë të papërfillshme politike. Përpjekja e Travarit, Albin Kurtit dhe komitave të VMRO-së është përpjekje për rishkrim të historisë së këtij shteti duke e përjashtuar dhe dënuar rolin dhe kontributin e Ushtrisë Kombëtare Shqiptare për të cilën nuk e kanë dhënë as kontributin më të vogël pordhaxhinjtë e "Grupit të Zjarrit" e lëre më Albin Kurti. Kështu, me këtë skenar, Serbia dhe Rusia po rikthehen në Maqedoni të Veriut sikur që po rritet ndikim politik dhe shkombëtarizues i Erdoganit përmes birit të tij politik, Bilall Kasamit. Interesant, edhe biri biologjik i Erdoganit e ka emrin Bilall. Albin Kurti është KM i Kosovës ku punët janë llugë në të gjitha segmentet prandaj nuk ka pasur nevojë t'i fusë hundët në problemet e të tjerëve. Albinu as nuk ka pasur nevojë e as që ka nevojë të bëjë dallime midis shqiptarëve duke përkrahur haptas disa dhe duke sulmuar haptas të tjerët. Albinu duhet të heq dorë nga ndjenja e Madhësisë së Personalitetit, e të bërit Baba i Shqiptarëve duke e rishkruar historinë e shqiptarëve përmes fredivlbelericave, Gjykatës Speciale Raciste, Rrogëtarëve të Luginës apo Llaskuçëve të tij në Maqedoni të Veriut. Historia e re e shqiptarëve është e shkruar me shumë mund, vuajtje, djersë dhe gjak. E kanë shkruar Heronjtë e Kombit dhe Martirët e Kombit të udhëhequr nga Bacë Adem Demaçi dhe Adem Jashari. Albinu duhet ta lexojë me kujdes këtë histori duke mësuar nga ajo. Nuk ka tjetër mundësi apo tjetër rrugë!

26 vjet që nga dalja e parë publike e UÇK-së në Drenoc të Rahovecit

RAHOVEC, 26 PRILL - Të premten u bënë 26 vjet që nga dalja e parë publike e UÇK-së në Drenoc të Rahovecit. Drenoci ishte pikënisja e UÇK-së për Zonën Operative të Pashtrikut, prej ku do të dilnin shumë heronj dhe dëshmorë trima, që do të sakrifkoheshin për lirinë e Kosovës. "Kushtrimi të lirisë nga Drenica e Adem Jasharit e Ahmet Delisë dhe e Shaban Polluzhës iu përgjigjën djemtë e Gllorianit të Dukagjinit flakë për flakë më 24 mars 1998, ndërsa djemtë e Anadrinisë u bashkuan me jehonën e pushkëve të lirisë më 26 prill të vitit 1998, pikërisht këtu në Drenocin historik. Jehonës së pushkës së Mensur Zyberajt të vëllëzërve Bedrush e Feim Gashi, Milaim Krasniqi, Tafil Zyberaj, Sakip Bellaqa, Përparim Thaçi, Naser Krasniqi, Isuf Berisha dhe shumë të tjerë, iu bashkuan dhjetëra e mijëra djem dhe vajza, duke i vënë gjokset e tyre në mbrojtje të atdheut. Flaka e lirisë shumë shpejt do të përhapej gjithandej në Anadrini, ku kishte kohë që po vepronin

grupe të organizuara çlirimtarësh. Pikërisht në këtë vend u projektua edhe marrëveshja për bashkimin e potencialeve njerëzore e luftarake ndërmjet UÇK-së e LKÇK-së, ku kontribut të madh ka dhënë përfaqësuesi udhëheqës i LKÇK-së, Sabit Gashi, si dhe luftëtari i madh, tashmë hero i kombit, Fehmi Lladrovci", ka thënë kryetari i komunës së Rahovecit, Smajl Latifi. Ai ka thënë se përkundër faktit se ishim shumë të pabarabartë me armikun, shumë herë më pak të pajisur, kulmoi guximi ynë për të luftuar e sakrifkuar për jetë më të dinjitetshme në liri. "Lufta jonë çlirimtare mori përmasa kombëtare dhe s'kishte si të ishte ndryshe, sepse shqiptarët ndiejnë të njëjtin dashuri për atdheun, pavarësisht se ku jetojnë. Bijat dhe bijtë e këtij vendi u rreshtuan në radhët e UÇK-së dhe në forma të ndryshme kontribuuan për të mirën e përgjithshme. Dalja e UÇK-së më 26 prill e më pas beteja e parë frontale në Anadrini, e fituar në ditën e 12 majit dhe e



ajo 14 majit, si dhe beteja që pasuan, i dhanë kësaj lufte tjetër dimension. Toka 'u stolis me varrë', por nga ai gjak mbinë filizat e shpresës që do të japin frutat e ëmbla të lirisë që po i shijojmë sot", ka theksuar Latifi.

Ai ka thënë se ngjarje si kjo na bëjnë të ndihemi krenarë që i takuam asaj epoke të lavdishme, epokë që ndryshoi historinë, jo vetëm atë shqiptare, por edhe hartën e botës. "Prandaj duhet ta nderojmë e kujtojmë lavdinë e

atyre që ranë në fushëbeteja për lirinë e kësaj cope të atdheut tonë të ndarë. I paharruar për jetë e mot, 26 prilli i vitit 1998! Lavdi dhe nderime përjetësisht heronjve, dëshmorëve dhe martirëve!", ka thënë kryetari i Rahovecit.

Kryetari i Prishtinës pret në takim Bekim Jasharin, diskutojnë për shtatoren e komandant Adem Jasharit

PRISHTINË, 26 PRILL - Kryetari i Prishtinës, Përparim Rama, ka zhvilluar takim me Bekim Jasharin, për të diskutuar rreth përzgjedhjes së lokacionit për shtatoren e

komandantit Adem Jashari. “Kënaqësi e madhe të takohesha me Bekim Jasharin. Bashkë diskutuam për zgjedhjen e lokacionit dhe angazhimin e familjes

Jashari në procesin e krijimit të monumentit të heroit të kombit, Adem Jashari. Për kryeqytetin, është njëkohësisht një privilegj dhe përgjegjësi e madhe të

kemi shtatoren e heroit tonë dhe të nderojmë sakrificën e familjes Jashari për lirinë që ne sot gëzojmë”, ka shkruar Rama në “Facebook”.



UP-ja promovon veprimtarinë e vet botuese në Panairin Mbarëkombëtar të Librit Akademik dhe Shkencor në Tiranë

PRISHTINË, 26 PRILL - Universiteti i Prishtinës ka promovuar suksesshëm veprimtarinë e vet botuese në Panairin III Mbarëkombëtar të Librit Akademik e Shkencor në Tiranë përmes prezantimit të botimeve të veta, që përfshijnë libra universitarë, monografi shkencore e fjalor enciklopedik unik, të cilat mbulojnë një spektër të gjerë të fushave si shkencat e natyrës, filologjinë, jurisprudencën, mjekësinë, edukimin e të tjera, që kanë tërhequr interesimin e komunitetit shkencor dhe vizitorëve të shumtë të panairit. Në një aktivitet të veçantë, në kuadër të panairit, Universiteti i Prishtinës ka promovuar librin “E Drejta e përmbarimit”, të autorit prof. dr. Iset Morina, Fakulteti Juridik, si dhe librin “Qëndrueshmëria mjedisore dhe edukimi për zhvillim të qëndrueshëm” të autorit prof. dr. Zeqir Veselaj, Fakulteti i Edukimit. Promovimin e drejtoi prorektori për personel akademik, integritet dhe botime i UP-së, prof. dr. Faton Berisha, i cili në fjalën hyrëse shprehu vlerësimin për panairin dhe theksoi rëndësinë e librit shkencor si instrument crucial për transmetim e

promovim të dijes e shkencës, si dhe përgëzoi stafin akademik dhe hulumtuesit e universitetit për punën ekzemplare që u prezantua në këtë panair, ndërkaq me një fjalë përshëndetëse u paraqit edhe kryetari i Akademisë së Shkencave të Shqipërisë, akad. Skënder Gjinushi, që shprehu kënaqësinë që po merrte pjesë në promovimin e punës shkencore të profesorit të Universitetit të Prishtinës.

Libri “E drejta e përmbarimit”, i cili u promovua nga recensenti prof. ass. dr. Ardit Gashi, është një tekst voluminoz, i organizuar në 25 kapituj, që ka ardhur si aktivizim i autorit për ta plotësuar mungesën e literaturës në gjuhën shqipe të fushës përkatëse, qoftë për studentët, qoftë për praktikuesit e drejtpërdrejtë të rregullave të përmbarimit. Njohësit e jurisprudencës, përkitazi me këtë libër, kanë vlerësuar se qasja profesionale dhe akademike e autorit ka prodhuar një tekst unik që ofron qasje bazike, konceptuale dhe shpjeguese të masave dhe zbatimit të përmbarimit dhe detaje të tjera, të shumëpritur nga studentët dhe i tërë komuniteti akademik dhe ai nga sistemi



gjyqësor. Ndërsa libri “Qëndrueshmëria mjedisore dhe edukimi për zhvillim të qëndrueshëm”, që u promovua nga recensenti prof. asoc. dr. Mihallaq Qirjo, është tekst që trajton një prej sfidave më të mëdha me të cilat po përballlet planeti sot: zhvillimi i qëndrueshëm. Ekspertët vendorë dhe ata ndërkombëtarë kanë konkluduar për këtë libër se autori, përmes kombinimit të aspekteve akademike të fushës së mjedisit me aspektet e mësimdhënies dhe të nxënies, ka

ofruar një tekst që do të shërbejë si platformë kredibile për adresimin e çështjeve të qëndrueshmërisë ekologjike dhe edukimit të vazhdueshëm për mjedisin. Theksojmë se për të tretin vit me radhë Universiteti i Prishtinës “Hasan Prishtina” është ftuar dhe po merr pjesë në Panairin Mbarëkombëtar të Librit Akademik dhe Shkencor, që është projekt i Akademisë së Shkencave të Shqipërisë dhe Akademisë së Shkencave dhe të Arteve të Kosovës, në bashkëpunim me

Qendrën Kombëtare të Librit dhe të Leximit - Tiranë. Në panairin e këtij viti Universiteti i Prishtinës i ka prezantuar 20 botime akademike, të botuara ndërmjet dy panairove, trembëdhjetë nga të cilat i ka përkrahur financiarisht, përmes një projekti financimi që ka për qëllim pikërisht nxitjen dhe përkrahjen e stafit akademik dhe hulumtuesve tanë për t'i konsideruar tekstet universitare si opsion për prezantimin e të arriturave të tyre shkencore.

Prindërit kanë rol kryesor në vaksinimin e fëmijëve

EPOKA
ERE

Fatton DËRMAKU

PRISHTINË, 26 PRILL - Instituti Kombëtar i Shëndetësisë Publike të Kosovës ka theksuar se prindërit kanë rol kryesor në vaksinimin e fëmijëve për ta mbrojtur dhe përparuar shëndetin e tyre dhe për të siguruar mjedis social që siguron mirëqenien e tyre. “Informimi dhe edukimi i prindërve për detyrimet që ata kanë në raport me shëndetin e fëmijëve të tyre është mënyra më e drejtpërdrejt për të siguruar për ta informacionin e besueshëm, që t'i

vaksinonjë fëmijët dhe t'i mbrojnë ata nga sëmundjet infektive që mund të parandalohen përmes vaksinimit”, ka njoftuar IKShPK-ja. Kosova ka aplikuar gjatë këtij viti tre vakcina të tjera në kalendarin e rregullt të vaksinimit: Vaksinën kundër Human Papilloma Virusit (HPV), e cila parandalon më shumë se 90 % të kancerëve të lidhura me Human Papilloma Virusin, që është shkaktari më i shpeshtë i kancerit të qafës së mitrës; Vaksinën kundër Pneumokokut (PCV), që mbron nga shkaktarët e sëmundjeve, si pneumonia (infeksion i

mushkërive), meningjiti dhe bakteremia (sepsa); Vaksinën kundër Rotavirusit (Rota) për t'i mbrojtur fëmijët, sidomos fëmijët e vegjël para se të arrijnë moshën 5-vjeçare nga ky virus që shkakton diarre, të vjella, dhimbje barku dhe temperaturë të lartë. “Angazhimi i prindërve nga të gjitha komunitetet në biseda konstruktive, duke ndarë me ta informacione të besueshme, i ndihmon ata që të kujdesen dhe të sigurohen që fëmijët e tyre t'i marrin të gjitha vaksinat e parapara në Kalendarin e rregullt të vaksinimit”, ka njoftuar IKShPK-ja.

Ahmeti kujton Fadil Vatën në 34-vjetorin e vdekjes

PRISHTINË, 26 PRILL - Në 34-vjetorin e vdekjes së Fadil Vatës, kryetari i BDI-së, Ali Ahmeti, e ka kujtuar ideologun e Lëvizjes Çlirimtare. “34 vjet pa udhëheqësin e ideologun e

Lëvizjes Çlirimtare, Fadil Vata. 34 vite na ka frymëzuar, na ka udhëzuar e na ka udhëhequr emri i Fadil Vatës, vepra dhe vizioni i tij se si të punojmë për Kosovën, si të luftojmë

për lirinë, si ta çlirojmë e ndërtojmë shtetin e Kosovës. Lavdi e përjetshme për shokun, mikun, vëllain, veprimtarin, udhëheqësin Fadil Vata!”, ka shkruar Ahmeti në “Facebook”.



Abdixhiku takon 52 afaristët më të mëdhenj në Shtime: Kosova mundet më mirë!

SHTIME, 26 PRILL - Kryetari i Lidhjes Demokratike të Kosovës (LDK), Lumir Abdixhiku, ka qëndruar të premtën në qytetin e Shtimes. Ai ka takuar përfaqësuesit e 52 bizneseve më të mëdha të kësaj komune. "Aty pata takim me 52 bizneset më të mëdha të kësaj komune. Dëgjova për

pikëpamjet dhe brengat e tyre; siç dhe u prezantova projektet kryesore ekonomike të 'Rrugës së re'. Prezenca e madhe e tyre ishte shenjë e një lidhjeje natyrale që si parti e djathtë kemi me sektorin privat; ndërsa bashkëbisedimi i hapur ishte një mundësi e drejt për afrimit tonë të

vërtetë", ka shkruar ai në "Faebook". Abdixhiku ka thënë se Kosova është shumë e pasur për të qenë kaq e varfër. "Kosova ka njerëz, iniciativë e sektor privat që mund ta bëjnë zhvillimin fare të lehtë! Fatkeqësisht, mungesa e ambicies së popullistëve ka

shkaktuar mungesë të investimeve qeveritare. Mungesa e investimeve ndërsa ka vendosur vendin në deficit rekord tregtar 5 miliardësh, inflacion rekord 30% e rritje ekonomike më të ulët në pasparësi. Kosova mundet më mirë! Do ta bëjmë më mirë!", ka theksuar Abdexhiku.



"Elektrosever"-i fillon vendosjen e njehsorëve të rrymës në veri

PRISHINË, 26 PRILL - Kontraktori i KEDS-it, "Elektrosever", ka filluar vendosjen e njehsorëve smart (të mençur) në pjesën veriore të vendit. Këta njehsorë, që janë fjala e fundit e teknologjisë, do të rregullojnë tutje distribuimin dhe furnizimin me energji elektrike për konsumatorët e Kosovës të asaj pjese.

Në procesin që ka filluar të premtën do të vendosen gjithsej 5 000 njehsorë smart me fokus te konsumatorët që kërkojnë lidhje të reja dhe tek ata që nuk kanë njehsorë. Operimi me njehsorët smart është treguar tejet efikas dhe ka avancuar në mënyrë të vazhdueshme shërbimet dhe sigurinë e shpërndarjes dhe furnizimin me energji elektrike për konsumatorët. Rrjedhimisht, avantazhet dhe mundësitë që ofrojnë këta njehsorë janë të shumta.

KEDS-i deri tash ka vendosur mbi 100 mijë njehsorë të tillë anekënd territorit të vendit. Ky shërbim është pjesë e sistematizimit edhe të

konsumatorëve në veri të vendit dhe paraqet një hap të madh përpara për funksionimin në mënyrë të plotë dhe gjithëpërfshirës për tërë rrjetin distributiv të Kosovës.

Integrimi elektroenergetik i pjesës veriore të vendit filloi në pjesën e parë të dhjetorit të vitit të kaluar kur KEDS-i kishte nënshkruar kontratën me "Elektrosever"-in me qëllim të normalizimit të shpërndarjes dhe furnizimit me energji elektrike në komunat Zubin Potok, Leposaviq, Zvečan dhe Mitrovicë Veriore.

Kjo kontratë përkon me ligjin e Kosovës dhe kornizën rregullative, në përputhje me marrëveshjet në lidhje me Energjinë të datës 8 shtator 2013 ("Marrëveshjet e Energjisë 2013") dhe Konkluzionet e Lehtësuesit të BE-së për zbatimin e Marrëveshjes së Energjisë të vitit 2013, të datës 25 gusht 2015 ("Marrëveshjet për Energjinë të vitit 2015"), si dhe Udhërrëfyesin për Zbatimin e Marrëveshjeve Energetike të 21 qershorit 2022.



"Termokos"-i përmbyll sezonin e ngrohjes



PRISHINË, 26 PRILL - Ndërmarrja "Termokos" ka njoftuar se në harmoni me parashikimet meteorologjike për përmirësimin e motit, ka përmbyllur sezonin ngrohës 2023/2024. "Pas 195-ditësh furnizim të mjaftueshëm dhe cilësor me ngrohje për rreth 30 mijë konsumatorë, përfundon një nga sezonet më të suksesshme ngrohëse, në kuadër të cilës ndërmarrja ka shënuar një varg arritjesh në të gjitha fushat. Gjatë sezonit ngrohës 2023/2024 janë prodhuar rreth 328 mijë MWh energji termike apo 7% më shumë

se sezonin e kaluar, nga KEK-u janë ekstraktuar 303.15 GWh energji, që në raport krahasues me sezonin ngrohës paraprak ka një rritje prej 14.6%, ashtu sikur edhe tek liferimi i energjisë termike, që ka qenë 270 GWh.

Rrjeti i ngrohjes është zgjeruar edhe për 317 objekte banesore me 13.313 njësi banimi dhe me një sipërfaqe totale prej 1,122,538.00 m², ka njoftuar "Termokos"-i. Sipas këtij njoftimi, ky sezon ngrohës ka qenë fazë testuese para fillimit të aplikimit të metodës së re të faturimit sipas konsumit. "Si rrjedhojë e testimeve,

analizave e krahasimeve, që janë realizuar, tanimë mbi 1 mijë konsumatorë i kanë marrë faturat e para testuese sipas konsumit, bazuar në të cilat 33% e konsumatorëve si rezultat i kursimit të energjisë ngrohës e kanë pranuar fatura më të ulëta se ato që kanë marrë më parë.

NP "Termokos" do të vazhdojë të angazhohet për modernizimin e mëturshëm të shërbimeve dhe realizimin e projekteve të shumta, që do të kenë ndikim të shumëfishitë pozitiv në mirëqenien e qytetarëve tanë", ka njoftuar "Termokos"-i.

Për tre muaj diaspora i dërgoi 284 milionë euro në Kosovë

PRISHINË, 26 PRILL - Mbi 112 milionë euro është vlera e dërgesave të mërgatës që janë sjell në Republikën e Kosovës për muajin mars 2024. Kështu thuhet në statistikat e remitancave dhe institucioneve të tjera financiare për këtë periudhë, të publikuara nga Banka Qendrore e Republikës së Kosovës (BQK), duke shtuar se vlera totale e tyre për tre muaj, sipas vlerësimeve, ka arritur në 284.07 milionë euro.

Sipas raportit, prurjet më të mëdha të remitancave ishin nga institucionet financiare jobankare me pjesëmarrje prej 64.46-përqindësh, pasuar nga kanalet e tjera me 23.34 për qind dhe bankat me 15.20 për qind.

Për sa iu përket aseteve të kompanive të sigurimit, BQK-ja tregon se deri në këtë muaj vlera e tyre ishte 314.83 milionë euro, duke shënuar rritje prej 2.11 milionë eurosh

krahasuar me shkurtin e 2024-s.

Ndërsa asetet e fondeve pensionale kanë arritur vlerën e 2.87 miliardë euro, e cila përfaqëson rritje për 74.14 milionë euro. Në fund, BQK-ja tregon se asetet e ndërmjetësve të tjerë financiarë në fund të muajit mars 2024 janë rritur për 9.26 milionë euro, duke arritur vlerën e 564.49 milionë eurove.



Paraqitja e tmerrshme e Mbretëreshës së ndjerë flet për fundin e epokës së statujave

*Lindja e modernizmit duhej të kishte shënuar fundin e monstruozeve.
Por, pse insistojnë të vazhdojnë në këtë mënyrë?*

Nga: Ben LAWRENCE /
The Daily Telegraph

Fundjavën e kaluar, në Ratland u zbulua statuja e parë në Britani e të ndjerës Elizabeth II. Nuk isha atje, mirëpo, pasi i pashë fotografitë, mund të supozoj se vizitorët mbetën me gojë të hapur – por, jo sepse u mahnitën. Është e tmerrshme: e shëmtuar, punim torollak dhe paksa i frikshëm. Artisti Hywel Pratley e ka shndërruar mbretëreshën e ndjerë në hukubet të tmerrshëm, duke e veshur me një fustan vajzëror që e bën të duket si Titanianë [mitike – shën. i Telegrafit], por e shkurtë dhe topolake, ose si një karakter nga [filmi i animuar] Frozen me disa nuanca të vocërrakes Jimmy Krankie [Janette Tough në karakterin Wee Jimmy Krankie në kabaretë televizive të viteve 1970-'80].

Njëllotj të papëlqyeshëm janë ata [qenushët] korgi që mblidhen te këmbët e saj, ku njëri mbështet putrat në bazament. Këto detaje janë përkujtues të vegjël dhe të tmerrshëm se tashmë jemi në epokën e së lezetshmes dhe se rëndësia e cilësisë është zëvendësuar nga simpatikja. I bën të pakënaqurit e vjetër si unë të ndihen thuajse vazhdimisht po sulmohen nga një Hello Kitty gjigante [nga karakteri i macës i krijuar nga japonezja Yuko Shimizu] që fryhet me ajër. E shikoj këtë statujë dhe ndihem i sigurt se Mbretëresha e ndjerë – e cila njihej për arsyen e saj të shëndoshë dhe neverinë ndaj sentimentalizmit – do ta kishte urreyer.

Nuk është befasi iniciativa e

mjerë e Pratleyt. Nuk mund të mendoj për një statujë të vetme të mirë që është ngritur në këtë shekull. Ka disa arsye për këtë. Së pari, statujat – ose të paktën ato me një shkallë të caktuar realizmi – nuk kanë asnjë qëllim në shekullin XXI. Gjërat ishin më ndryshe në epokat e mëparshme, kur njerëzit kishin pak ide se si duhej subjekti i një statuje, ndërsa përfaqësimi i tyre në metal ose në gur shpeshherë bëhej imazh zyrtar – vlera kryesore në ikonografinë e tyre. Por, ardhja e fotografisë dhe më pas e televizionit, do të thotë se temat moderne tashti i njohim jashtëzakonisht mirë. Mbretëresha e ndjerë ishte gruaja më e fotografuar në botë,



Statuja qesharake e Harry Kaneit

gjë që përforcohej nga paraqitja e saj në pulla postare, në bankënota dhe shumë gjëra të tjera të përditshme: çdo projekt që synon të paraqes sërish ngjashmërinë e saj, e ka fatin e keq të dështojë. Jam i lumtur kur përhumbem në Kopshtet e Viktorisë [Victoria Embankment Gardens] në Londrën qendrore, ku statuja e dikujt që njoh në mënyrë të paqartë, si [kleriku dhe filantropi] Robert Raikes, më vështron me përshkrimin e dikujt që njeh punën e vet. Është çështje krejt tjetër kur e viziton Seleronin në Nju-Jork dhe ballafaqohesh me pamjen e tmerrshme të Lucille Ballit nga Dave Poulin, një punim që ka ngjashmëri me komedianen e famshme amerikane po aq sa ka edhe me mua. Kur bëhet fjalë për statujat, gjërat që njohim ngjallin përbuzje. Nuk është çudi që këshilli i Uelthmstout fshehu skulpturën e të gjiort [futbollist] Harry Kane.

Pastaj është natyra e rreshqitshme e historisë. Statujat nga e kaluara, siç të gjithë jemi shumë të vetëdijshëm, gjatë



viteve të fundit kanë akumuluar mjaft storje nga lajmet. Kemi parë se [tregtari i skllevërve] Edward Colston u përmbys në Bristol dhe u ekspozua sërish thuajse e ka marrë veten nga sulmi. Në Kolegjin Oriel, në Oksford, prania

harruar, do të akuzoheshim se kemi harruar mijëra të tjera që janë mbërthyer nga shtrembërimi dhe nga indi i së kaluarës sonë.

Problemi më i madh me statujat moderne është se janë të tmerrshme. Shpeshherë janë konceptuar keq. Shpërfytyrimi më i fundit, sipas meje, është paraqitja e Mary Wollstonecraftit në Njuington-Grin në veri të

Shumë nga këto statuja janë komike dhe të shëmtuara, madje të frikshme; dhe është e vërtetë se gjatë historisë, shkrimtarët dhe artistët kanë parë potencialin e veprave të tilla artistike për të na rrëmbyer. Mendoni për Don Xhovanin e Mozartit në të cilin Il Komendatore vritet në një duel dhe kthehet që të ndjek torturuesin e vet – në formën e një statuje të mbinatyrshme guri; ose fantazitë e fëmijëve të Edith Nesbitit, të tilla si Kalaja e magjepsur në të cilën Ketlina e re, teksa mban një unazë magjike që plotëson dëshirat, dëshiron të jetë statujë dhe sheh veten të ndarë nga vëllezërit dhe nga motrat e veta – e bllokuar në botën tmerrësisht të frikshme të poshtme të mermerit. (Kërcënim, pa dyshim, vjen më shumë nga insinuata se statuja është një lloj gjysmë-fantazme sesa ndonjë shëmti estetike, gjë që është



Marry Wollstonecraft sipas Maggi Hamblingut

Londrës, nga Maggi Hambling – e cila e reduktoi nënën e valës së parë të feminizmit në një palë gjinjsh. Ashtu si statuja e Oscar Wildeit e Hamblingut – që shfaq Oscarin e dashur që ngrihet nga arkivoli për të pirë cigare – është e tejtartikuluar dhe e marrë. Të tjerat janë monstruoze në mungesën e emocioneve. Edhe diçka aq e padëmshme sa monumenti i Gillian Wearingut i vitit 2018, dedikuar [aktivistes sufraghete] Millicent Fawcettit në Sheshin e Parlamentit, është fyese në mënyrën e vet: një shtesë e panevojshme për një qytet në të cilin përkujtimi tashmë është mani.

arsyeja më e mundshme se pse do të tërbohemi kur shihni përbindëshat e vërtetë prej bronzi që po mbushin Britaninë.) Duke marrë parasysh të gjitha këto, do të thosha se epoka e statujës ka vdekur. Në të vërtetë, duket se ajo është zhdukur që me lindjen e modernizmit i cili supozohej të gërryente përshkrimin e kotë literal të cilin kaq shpesh e shohim te veprat e artit si këto. Nëse duhet t'i nderojmë individët, në të ardhmen, atëherë le t'i bëjmë tërësisht abstraktë – dhe, ju lus, pa qentë korgi që kërcëjnë. Përkthimi: Telegrafi.com



EURO GLASS
SAINT-GOBAIN SEKURIT PILKINGTON
Enveri
Adr: Fushë Kosovë
Mob: 044 10 20 10 / 049 145 336
E-mail: euro.glass@live.com



Ndeshje të vështira për Ballkanin, Dritën dhe Llapin

EPOKA E RE Veton ZYMBERI

Prishtinë, 26 prill - Tri skuadrat e para në tabelë, Ballkani, Drita dhe Llapi, kërkojnë fitore në javën e 31-të në Superligë për të mbetur në garë për titull edhe në xhirot e fundit të këtij edicioni. Punë të vështira i presin këto klube, pasi të tria luajnë në terrene mysafire ndaj kundërshtarëve të papërshtatshëm. Ballkani, pas barazimit në xhiron e kaluar me Dritën dhe barazimit në gjysmëfinalen e dytë ndaj Suharekës, i shkon Gjilanit nga i cili synon tri pikët e plota. Aktualisht kampionët në fuqi kanë dy pikë më shumë se dy skuadrat përcjellëse dhe tri pikë do të ishin shumë të mirëseardhura për ta. Drita, që dështoi të kualifikohet në finale të Kupës, do të mundohet të këndellet në përballje me Dukagjinin në Klinë. Dukagjini është në mesin e tabelës dhe pa



pretendime të mëdha, por skuadrave kryesuese ka ditur t'u shkaktojë shumë telashe. Ndeshja kryesore pritet të jetë ajo mes Prishtinës dhe Llapit, e cila do të zhvillohet në stadiumin "Ramiz Sadiku" në

Prishtinë. Të tri këto skuadra që janë në garë për titull ndeshjet i zhvillojnë të dielën, kurse sot (e shtunë) zhvillohen dy ndeshje të tjera. Fushë-Kosova, që është afër të humbasë edhe matematikisht garën për

mbijetesë, e pret skuadrën e Lirisë, e cila tashmë zyrtarisht e ka humbur statusin e skuadrës elitare për kampionatin e ri 2024/2025. "Pampuratur" janë favoritët dhe presin fitore ndaj prizrenasve. Në ndeshjen tjetër

SUPERLIGA - Java 31-të

Të shtunën takohen:
15:00 Fushë Kosovë - Liria
15:00 Feronikeli 74 - Malisheva

Të dielën takohen:
15:00 Prishtina - Llapi
15:00 Gjilani - Ballkani
15:00 Dukagjini - Drita

Tabela		
	Pikë	Pikë
1. Ballkani	30	60
2. Drita	30	58
3. Llapi	30	58
4. Malisheva	30	52
5. Prishtina	30	43
6. Dukagjini	30	38
7. Gjilani	30	34
8. Feronikeli 74	30	31
9. Fushë Kosova	30	20
10. Liria	30	11

në Drenas, Feronikeli 74 e pret Malishevën. Këto dy skuadra me një rivalitet të theksuar do të kërkojnë fitore, ndërsa "Nikli" ka nevojë më shumë për pikë në mënyrë që të jetë më i qetë në renditjen tabelore.

Priten ndeshje të zjarrta në turneun final të Kupës në Hendboll



PEJË, 26 PRILL - Skuadrat më të mira të hendbollit në vend e kanë kthyer gjithë fokusin te turneu final i Kupës së Republikës së Kosovës. Turneu final i Kupës, përkatësisht ndeshjet gjysmëfinale dhe finale, është vendosur të luhen në palestrën "Karagaçi" në Pejë. E shtuna dhe e diela do të jenë të mbushura me ndeshje të forta e cilësore të hendbollit. Tashmë është caktuar edhe orari i ndeshjeve. Fillimisht sot (e shtunë) në

program janë dy gjysmëfinalët te hendbollistët. Nga ora 14:00 takohen Vushtrria dhe Istogu. Istogu është fitues në fuqi i Kupës dhe llogaritet favorit. Ndërsa nga ora 16:00 është ndeshja Ferizaj - Samadrexha. Të dy skuadrat kanë pretendime të mëdha dhe pritet ndeshje dramatike. Më pas janë ndeshjet gjysmëfinale te hendbollistët. Fillimisht prej orës 18:00 takohen Trepça e Kastrioti. Trepça është fituese në fuqi e Kupës, por Kastrioti e synon

finalen e madhe. Pritet ndeshje, po ashtu, interesante. Ndeshja kryesore e ditës zhvillohet prej orës 20:00. Takohen Rahoveci dhe Besa Fungas. Këto dy skuadra kanë luajtur katër ndeshje shumë të forta në stinorin e rregullt. Të gjitha ndeshjet janë vendosur në aksionet e fundit. Njëjtë pritet të jetë edhe të shtunën mbrëma në "Karagaçin" e Pejës. Shpresohet në numër të madh shikuesish që spektaktli i Kupës të jetë i kompletuar.

Sonte përballen Peja - Ylli, nesër Trepça - Prishtina

PEJË, 26 PRILL - Në fundjavë do të zhvillohen ndeshjet e treta gjysmëfinale të "play-off"-it në Superligën e Kosovës në basketboll. Sot (e shtunë) në palestrën "Karagaçi", Peja do ta presë Yllin për aktin e tretë gjysmëfinal. Në dy ndeshjet e para mes këtyre dy skuadrave

ka triumfuar Ylli dhe kjo ndeshje është mundësia e vetme për klubin kampion që të mbetet në garë. Nesër (e diel) në palestrën "Minatori" në Mitrovicë, Trepça do ta presë Sigal Prishtinën. Mitrovicasit i kanë fituar dy përballjet e para. Nëse

e fitojnë edhe ndeshjen e tretë, kualifikohen në finalen e madhe.

TË SHTUNËN TAKOHEN:
19:00 Peja - Golden Eagle Ylli

TË DIELËN TAKOHEN:
19:00 Trepça - Sigal Prishtina



Gjakova dhe Cena eliminohen nga Evropiani i Xhudos

PRISHTINË, 26 PRILL (ER) - Dita e premte nuk ishte e suksesshme për xhudon e Kosovës, pasi dy garuesit, Akil Gjakova dhe Dardan Cena, janë eliminuar nga Kampionati Evropian i Xhudos që po mbahet në Zagreb të Kroacisë.

Akil Gjakova u eliminua pasi pësoi humbje nga xhudisti bullgar Mark Hristov me Wazari, në kategorinë deri në 73 kilogramë. Më herët është eliminuar edhe xhudisti Dardan Cena që pësoi humbje nga italianii Manuel Parlatti në

raundin e dytë në kategorisë deri në 73 kilogramë. Të enjten Distria Krasniqi është shpallur kampione e Evropës në xhudo në kategorinë deri në 52 kilogramë. Kampionia olimpikë në finale mposhti xhudisten italiane Odette Giuffrida me waza-ari.

Nadali: Nëse lëndohem sërish, karriera ime merr fund

MADRID, 26 PRILL - Tenisti spanjoll Rafael Nadal është rikthyer në fushë me shpresën që të fitojë minuta të rëndësishme për të qenë gati për grand slam e Roland Garros. Fituesi i 22 grand slamit po luan në turneun

Masters të Madridit, ku fitoi në raundin e parë ndaj një 16-vjeçari. Tani nisin për Nadalín sfidat e vërteta, ndaj spanjollit shpreson të luajë sa më shumë dhe të jetë në formë për eventet kryesore. "Nuk e mohoj që

Roland Garros dhe Olimpiada janë dy objektivat e mi kryesorë për këtë vit, por s'kam vendosur ende", ka thënë Nadali. "Dua të jem në 100 % në formë para se të vendos të luaj në Paris. Gjithsesi, një gjë e di

me siguri. Nëse lëndohem sërish, atëherë karriera ime ka marrë fund përfundimisht. Shpresoj të bëj një paraqitje sa më të mirë dhe ta testoj veten deri në fund", ka deklaruar Nadali.



Terry për Mourinhon: Na tmerroi në fillim, por tregoi se ishte gjeni

LONDËR, 26 PRILL - Ish-futbollisti dhe kapiteni i Chelsea, John Terry, kujtoi sezonin e parë të Jose Mourinhos në klubin londinez, duke rrëfyer se lojtarët ishin "të tmerruar" pas konferencës së parë për shtyp të trajnerit portugez. "Në fazën parasezonale të parë me Mourinhon ne qëndruam në Angli për disa ditë para se të shkonim në Los Angeles. Seancat e para stërvitore ishin një mundësi e shkëlqyer për t'i bërë përshtypje, sepse të gjithë ishim të tmerruar me atë që dëgjua në konferencën e tij të parë për shtypin. Ishim të gjithë të turbullt, u lidhëm me njëri-tjetrin. Nuk dinim çfarë të prisnim. Ishte frikësuese të shihje se sa i sigurt ishte ai", ka thënë Terry.

Ish-mbrojtësi anglez vlerësoi punën e Mourinhos, që ndryshoi tërësisht mentalitetin e Chelsea. "Më pëlqen mënyra se si ai krijoi mentalitetin e botës kundër Chelsea. Më kujtohet dita e parë e punës. Mendova se kam ardhur gjithmonë herët. Unë isha në mensë dhe ishte jashtë, në fushë,



duke vendosur konet e stërvitjes dhe duke rishikuar atë që do të bënim në shënimet e tij. Ai na tha: 'Ne do ta fitojmë kampionatin këtë vit'. Ishte shumë e thjeshtë. Ai donte që ne të punonim shumë dhe më pas u tha medieve se lojtarët e tij ishin më të mirët në botë. Nuk na i kishin thënë kurrë këto gjëra. Na bëri të ndihemi

shumë të veçantë", ka deklaruar Terry. "Mënyra se si ai i analizoi kundërshtarët taktikisht ishte në një nivel që unë ende nuk e shoh sot. Ai është një gjeni absolut. I kam ditur emrat e të gjithë arbitrave, udhëzimet që ka dhënë kundërshtari për ekipin tonë, fëmijët e trajnerëve...", ka deklaruar Terry.

Lakersat, afër eliminimit nga 'play-off'-i



DENVER, 26 PRILL - Kampionët e Denverit janë pranë kualifikimit në gjysmëfinalet "play-off" në Konferencën e Perëndimit pas fitores me rezultat 112-105 ndaj lakersave në çerekfinalin e tretë. Lakersat, edhe pse luajtën në fushën e tyre, nuk arritën të fitojnë, ndërkohë që Denveri është një fitore larg kualifikimit. Katër lojtarë të skuadrës së

Denverit realizuan mbi 20 pikë, ku shkëlqeu Gordoni, autor i 29 pikëve dhe 15 reboundeve. Për lakersat, Davisi e mbylli ndeshjen me 33 pikë e 15 rebounde e Le Bron Jamesi me 26 pikë, por që s'mjaftuan për të fituar. Dy ndeshje të luajtura në Konferencën e Lindjes. Skuadra e Philadelphias fitoi me rezultat 125-114 ndaj New Yorkut, duke

rihapur garën. Joel Embiid ishte një përbindësh për vendasit, autor i 50 pikëve, duke i bërë të pavlefshme 39 pikët e Brunsonit për nju-jorkezët. Fitoren e parë në këto çerekfinale e korri edhe Orlando, që mundi me shifrat 121-83 Clevelandin, që tashmë udhëheq 2-1 me ndeshje. Banhero me 31 pikë e 14 rebounde si dhe Suggs me 24 pikë bënë dallimin në fushë për skuadrën vendase.

ÇEREKFINALET - KONFERENCA E LINDJES

CLEVELAND - ORLANDO 83-121 (2-1)
NEW YORK - PHILADELPHIA 114-125 (2-1)
BOSTON - MIAMI (1-1)
MILWAUKEE - INDIANA (1-1)

ÇEREKFINALET - KONFERENCA E PERËNDIMIT

MINNESOTA - PHOENIX (2-0)
DENVER - LAKERS 112-105 (3-0)
CLIPPERS - DALLAS (1-1)
OKLAHOMA - NEW ORLEANS (1-0)

Pedro Rocha, president i ri i Federatës Spanjolle të Futbollit

Pedro Rocha është presidenti i ri i Federatës Mbretërore të Futbollit Spanjoll, siç është rënë dakord nga Komisioni Zgjedhor këtë të premte. Në këtë mënyrë, dhe siç

pohoi vetë lideri ekstremaduran, fitorja e tij elektorale është njohur në mënyrë që në këtë mënyrë dhe për momentin, të zberthehet një rrjet që ka çuar RFEF-në ta

rrezikojë edhe pjesëmarrjen e radhës të Spanjës në Euro Kupa në Gjermani, në rast të ndërhyrjeve të mundshme nga qeveria. 107 miratimet e marra nga Pedro

Rocha janë bërë efektive dhe, në këtë moment, është koha për të parë dhe përcaktuar në mënyrë shteruese përbërjen e të ashtuquajturit Komisioni i

Mbikëqyrjes, Normalizimit dhe Përfaqësimit që do të shoqërojë Rocha, të paktën deri në vjeshtën e ardhshme, në udhëtimin e tij me presidentin e RFEF-s.

SHKURT

Vllaznia ndan rrugët me trajnerin Qatip Osmani

Eliminimi në Kupë kundër Egnantias ka sjellë ndarjen përfundimtare mes klubit shkodran, Vllaznia dhe trajnerit Qatip Osmani. "KF Vllaznia njofton të gjithë opinionin sportdashës se ka mbyllur me mirëkuptim bashkëpunimin me profesor Qatip Osmanin dhe po ashtu edhe me zëvendëstrajnerin Bashkim Livoreka. Klubi falënderon për të gjithë kontributin e dhënë për skuadrën tonë dhe i uron shumë suksese në karrierën e tyre të mëtutjeshme", thuhet në njoftimin e Vllaznisë.

Slot: Dua të drejtoj Liverpoolin

Arne Slot fsheh hapur dëshirën për të marrë drejtimin e skuadrës së Liverpoolit në sezonin e ardhshëm, pasi Jurgen Klopp do të largohet. "Klubet janë duke negociuar dhe unë jam duke pritur për të parë se cili do të jetë rezultati. Dua të shkoj në Liverpool, nuk është sekret. Tani jam duke pritur që të dy klubet të arrijnë një marrëveshje dhe Jam i bindur se kjo do të ndodhë", ka thënë Slot. "The Reds" kanë hapur negociatat me Feyenoordin për nënshkrimin e trajnerit holandez, i cili ka edhe dy vite kontratë me klubin aktual. Nëse marrëveshja realizohet, kompensimi ndaj klubit holandez pritet të jetë rreth 9 milionë euro. Slot pëlqehet për idenë e tij të futbollit agresiv me të cilin riktheu titullin kampion holandez, gjashtë vjet pas herës së fundit, sezonin e kaluar dhe fitoi Kupën e Holandës këtë sezon.

Guardiola: Gara për titull është e hapur

Trajneri i Manchester Cityt, Pep Guardiola është shprehur i kënaqur me fitoren e thellë 4-0 në udhëtim te Brighton. "Jap shumë merita sepse e njoh kundërshtarin me të cilin përballemi. Brighton ka qenë duke luftuar me shumë mungesa këtë sezon. Edhe pse ata ende luajnë me guxim dhe nuk dorëzohen kurrë, ata do të vazhdojnë ta bëjnë këtë", ka thënë Guardiola. "Por është një rezultat i mirë për ne, shumë i mirë. Ne shënuam katër gola, ky është çelësi. Ne lëmë si ekip që nëse nuk do të kishim topin do ta vuanim. Lojtarët e bënë shumë mirë. E thashë më parë, atë që kemi bërë në të kaluarën, nuk do të thotë se do ta bëjmë në të ardhmen. Kanë mbetur edhe pesë ndeshje, ne e dimë se diferencat janë shumë të ngushta. Duhet të fitojmë secilën ndeshje. Çdo ndeshje ne jemi më afër", ka shtuar Guardiola.

I pyetur nëse titulli tani luftohet vetëm mes Manchester Cityt dhe Arsenalit për titull, Guardiola është përgjigjur: "Nuk është. Ajo që ndodhi me Liverpoolin, dy humbje radhazi, mund të ndodhë me Arsenalin, mund të ndodhë me ne. Ajo që është e rëndësishme është që ne ende jemi atje. Ka shumë lojërë për të luajtur".

Barça interesohet për Sanen

Barcelona do të duhet të bëjë shitje këtë verë përpara se të bëjë nënshkrime, dhe veçanërisht ato të mëdha, por katalanasit ende janë duke kërkuar në treg për opsione që mund të përmirësojnë skuadrën e tyre, ku Leroy Sane është tashmë i pëlqyeri. Sipas "El Chiringuito", javën e kaluar Barcelona i bëri një telefonatë Bayern Munchenit për të pyetur disponueshmërinë e Sanes këtë verë, megjithëse nuk kishte asnjë mbi përgjigjen "bavareze" rreth kësaj kërke. Sane ka vetëm një vit të mbetur në kontratën e tij me gjigantet gjerman dhe thuhet se është i hapur për t'u larguar. Detaje tjera rreth shumë se sa është e gatshme të paguajë Barcelona për reprezentuesin gjerman nuk janë përmendur.

NJOFTIM

Njoftojmë të gjithë klientët se Shoqëria me Përgjegjësi të Kufizuar “BLISSHOME” Sh.P.K. me seli në Stanovc i Poshtëm, Vushtrri, ka marrë vendim të shuajë biznesin me nrb UNIK: 811968992 dhe ka caktuar likuidatorin për zhvillimin e procedurës së Likuidimit. Njoftohen të gjithë klientët që kanë raporte Kreditore - Debitorë në këtë korporatë që të paraqiten në afatin 30 ditor nga data e shpalljes në gazetë.

OBAVESTENJE

Obavestavanje se svi klienti da drustvo sa “BLISSHOME” D.O.O. od Donje Stanovca, Vuqiterna, donelo odluku o prestani rada sa nrb. 811968992 ujedno imenovao Likvidatora o sprovođenju postupka likvidacije. Obavestavaju se svi klienti koji imaju obaveze i potraživanja u navedenoj firmi, da se jave u roku od 30 dana od dana objavljivanja o novine.

ANNOUNCEMENT

We inform all customers that the limited liability “BLISSHOME” L.L.C. with headquarters Stanovc i Poshtëm, Vushtrri, has come to the decision to quit its business: 811968992 the company has appointed a liquidator who is going to oversee the liquidator process. All clients who have the mortgager – mortgage accounts in this company are kindly request to show up within 30 days starting from the day of newspaper announcement-publication.

Duke u bazuar në Ligjin Nr. 08/L-181 për Vlerësimin e Ndikimit në Mjedis, Neni 16, pika 4, “Bimi Diti” Sh.p.k. Zym, Prizren në bashkëpunim me Ministrin e Mjedisit, Planifikimit Hapësinor dhe Infrastrukturës dhe komunën organizojnë:

DEBAT PUBLIK

Për Raportin e Vlerësimit të Ndikimit në Mjedis për parkun e energjisë solare fotovoltaike 1 MWp në Gjonaj, Prizren.

Njoftohet publiku i interesuar se më datën 20.06.2024 në ora 10:00 në objektin e komunës së Prizrenit, do të organizohet debat publik nga Kompania “Bimi Diti” Sh.p.k. Zym, Prizren në bashkëpunim me Ministrinë e Mjedisit, Planifikimit Hapësinor dhe Infrastrukturës dhe Komunën.

Debati Publik do të organizohet edhe në mënyrë virtuale në platformën ZOOM

<https://us04web.zoom.us/j/4549344495?pwd=GbKcoccSWx39F3e8QF7PsAkCM3bvK6.1>

Meeting ID: 454 934 4495

Passcode: Aela2019.

Në linkun e mëposhtëm mund të gjeni raportin e VNM-së për Kompaninë “Bimi Diti” Sh.p.k. Zym, Prizren për parkun e energjisë solare fotovoltaike 1 MWp në Gjonaj, Prizren.

<https://mmphi.rks-gov.net/Document/Announcements?type=2>

Në emalin e mëposhtëm mund të dërgoni komentet lidhur me projektin vnk.komente@rks-gov.net

Pjesëmarrja e juaj na ndihmon në implementimin e projektit.

NJOFTIM

Njoftojmë të gjithë klientët se Shoqëria me Përgjegjësi të Kufizuar “TECNOMARK” Sh.P.K. me seli në Gjakovë, ka marrë vendim të shuajë biznesin me nrb UNIK: 811936056 dhe ka caktuar likuidatorin për zhvillimin e procedurës së Likuidimit. Njoftohen të gjithë klientët që kanë raporte Kreditore - Debitorë në këtë korporatë që të paraqiten në afatin 30 ditor nga data e shpalljes në gazetë.

OBAVESTENJE


Obavestavanje se svi klienti da drustvo sa “TECNOMARK” D.O.O. od Gjakovica, donelo odluku o prestani rada sa nrb. 811936056 ujedno imenovao Likvidatora o sprovođenju postupka likvidacije. Obavestavaju se svi klienti koji imaju obaveze i potraživanja u navedenoj firmi, da se jave u roku od 30 dana od dana objavljivanja o novine.

ANNOUNCEMENT

We inform all customers that the limited liability “TECNOMARK” L.L.C. with headquarters Gjakova, has come to the decision to quit its business: 811936056 the company has appointed a liquidator who is going to oversee the liquidator process. All clients who have the mortgager – mortgage accounts in this company are kindly request to show up within 30 days starting from the day of newspaper announcement- publication.

>> SHPALLJE TË VOGLA <<

- Florian Gashi nga Roga e Gjakovës, shpall të pavlefshme dëftesën e plotë të klasës 1-5 dhe 6-9 të SH.F.M.U “Haxhi Hoti”, Rogovë.
- Astrit Tahiri nga Gjakova shpall të pavlefshme diplomën e shkollës së mesme “Nexhmedin Nixha”, Gjakovë.
- Njomza Dervishaj nga Rracaj e Gjakovës, shpall të pavlefshme dëftesën e klasës 6-9 e lëshuar nga shkolla fillore e mesme e ultë “3 Dëshmorët”, Sheremet-Gjakovë.
- Alban Meta nga Gjakova shpall të pavlefshme dëftesën e plotë prej klasës 1-8 të shkollës fillore “Selman Riza”, Gjakovë.
- Pjetër Berisha nga Korenica e Gjakovës, shpall të pavlefshme dëftesën e klasës 1-8 e lëshuar nga shkolla fillore “Luigj Gurakuqi”, Korenicë-Gjakovë.
- Fatlinda Gjuraraj nga Gjakova shpall të pavlefshme diplomën e shkollës së mesëm të mjekësisë “Hysni Zajmi”, Gjakovë.
- Floriana Gashi nga Roga e Gjakovës, shpall të pavlefshme dëftesën e plotë të klasës 1-5 dhe 6-9 të SH.F.M.U “Haxhi Hoti”, Rogovë.
- Bekim Veljiji shpall te pavlefshme dëftesat e kl I - VIII shfmu “ Leke Dukagjini ” Prizren.
- Arben Hoti nga Gjakova shpall të pavlefshme diplomën e SH.M.T “Nexhmedin Nixha”, drejtimi MEKANIK, Gjakovë.
- Nexhmedin Tulla shpall te pavlefshme diplomën Q.K. “11 Marsi” Prizren.
- Enise Shuki shpall të pavlefshme dëftesat e kl I - VIII shfmu “ Motrat Qiriaz ” Prizren.
- Lavdije Sopi shpall te pavlefshme dëftesat e kl I - VIII shfmu “ Zef Lush Marku ” Velezhe.
- Bejadin Dervishaj shpall të pavlefshme diplomën Q.K. “11 Marsi” Prizren.
- Zylmi Krasniqi shpall te pavlefshme 4 dëftesat dhe diplomën Q.K . “11 Marsi” Prizren.
- Jashar Krasniqi nga Damjani KK Gjakovë shpall të pavlefshme dëftesën e plotë të shkollës fillore Kongresi i Manastirit Damjan KK Gjakovë.
- Edita Beqa nga Gjakova shpall të pavlefshme diplomën e Gjimnazit “Hajdar Dushi” Gjakovë.
- Xhavit Januzi nga Nivokazi KK Gjakovë shpall të pavlefshme diplomën e sh.m.t. Bujqësi “ Nexhmedin Nixha” Gjakovë.



KOMPANIA REGIONALE E MBETURINAVE
"Ambienti" SH.A PEJË
 NR. 632
 DATA 26.04.24

Kompania Regionale e Mbeturinave "Ambienti" Sh.A .Pejë
 Me adresë Rr.Xhem Sadrija pn ,Fusha e Pejës-Tranzit KK Pejë

Bazuar ne ligjin e Punës: LIGJI Nr. 03/L-212 sipas neni 8,dhe në bazë të Udhzimit Administrativ MFPT-NR.01/2024, Kryeshefi Egzekutiv i Kompanis Regionale të Mbeturinave "Ambienti"Sh.A .Pejë me datë 22.04.2022, shpall konkurs të brendshëm për këto vende punës :

KONKURS

1. Pozita : Punëtor Fizik (4 pozita)
 Paga ; 410 euro
 Kontrat me afat të PA caktuar, kohëzgjatja e periudhës provuses 6 muaj.


Punëtori Fizi ka këto detyra dhe përgjegjësi

- 1.Kryen të gjitha punët në mbledhjen dhe ngarkimin e hedhurinave.
- 2.Mbledh hedhurinat dhe bënë zbrazen e kontenjerve dhe mjeteve tjera për hedhurina apo çesecve nga shfrytëzuesit të shërbimeve në sektorin privat dhe shtetëror.
- 3.Pas zbrazjes së Kontenjerve dhe mjeteve tjera, është i obliguar t'i kthej ato në vende të caktuara dhe për to të ketë kujdesë.
- 4.Është përgjegjës për kryerjen e punëve në mënyrë efikase dhe kualitative, për sjellje korrekte me qytetarët-shfrytëzuesit e shërbimeve.
5. Kryen edhe punë tjera me urdhëres Shofrit, Kryepunëtorit
6. Për punën e vetë i përgjigjet drejtëpërdrejtë Shofrit, Kryepunëtorit, Menaxherit të Operatives, Kyeshefit Ekzekutiv

Kushtet:
 Shkollimi fillore
 Aftesi fizike dhe psikike te dëshmuar
 Ai /Ajo duhet të jenë në gjendje të punojnë nën presion, të ketë moral të fortë për punë dhe integritet të nivelit të lartë;

Mënyra e Aplikimit:Dokumentacioni i kërkuar dërgohet nga kandidatet në e-mailin ambientiisog@gmail.com

Vetëm kandidatët e selektuar për listën e ngushtë do të kontaktohen konkursi mbetet i hapur 15 ditë nga dita e publikimit .
 Prej datës 26.04.2024 deri me 13.05.2024 ora 16:00




Gjej PUNË

- Lajme nga tregu i punes
- Shërbime shkrimi

Gjej Punë ofron shërbime drejtë përgaditjes së:

- CV-së
- Letrën Motivuese
- Parapregaditje për intervistë



facebook  www.facebook.com/gjejpuneshpejte

RESTAURANT

SWISS

TAVERNA

Tel: +377 45 400 156  +386 49 848 553

PRISHTINË



100% Fresh & Natural

VIDAS Llatte drink 2%

VIDAS TAMËL 2,8%

VIDAS Schmand 18% yndyrë 800g

VIDAS JOGURT 100% Fresh & Natural

VIDAS DHALLË

MEKA
HALAL FOOD

TRADITË QË NGA

1992

